

ԳԻՏԱԿԱՆ ՍԵՍԻԱ, ՆՎԻՐՎԱԾ Ի. Վ. ՍՏԱԼԻՆԻ ԼԵԶՎԱԲԱՆԱԿԱՆ ԱՇԽԱՏՈՒԹՅՈՒՆՆԵՐԻՆ

1951 թ. հունվարի 8—9-ին տեղի ունեցավ Հայկական ՍՍՌ Գիտությունների Ակադեմիայի և Լուսավորության Մինիստրության միացյալ ղիտական սեսիան՝ նվիրված Ի. Վ. Ստալինի լեզվաբանական աշխատություններին և սովետական դպրոցում լեզուների դասավանդման հարցերին:

Սեսիային մասնակցում էին ռեսպուբլիկայի բարձրագույն ուսումնական հաստատությունների և միջնակարգ դպրոցների հայոց լեզվի և զրականության դասատուներ, մեթոդիստներ, լեզվաբաններ և ղիտության այլ ընդհանուր աշխատողներ:

Ներածական խոսքով սեսիան բացեց Ակադեմիայի վիցե-պրեզիդենտ, Հայկական ՍՍՌ Գիտությունների Ակադեմիայի իսկական անդամ Մ. Գ. Ներսիսյանը: Նշելով ընկեր Ստալինի հանճարեղ աշխատություններն խոշոր նշանակությունը լեզվաբանության ընդհանուրում, ընկ. Ներսիսյանը կանդ առավ ղիտական ֆրոնտի աշխատողների և հատկապես լեզվագետների, միջնակարգ դպրոցների լեզվի ու զրականության դասատուների առջե ծառացած խնդիրների վրա: Ընկեր Ստալինի աշխատությունները մեղ հնարավորություն են տալիս վերակառուցել կարճ ժամանակամիջոցում ռեսպուբլիկայի լեզվաբանության ընդհանուր աշխատանքները, վերացնել լեզուների դասավանդման թերությունները սովետական դպրոցում և այդ դասավանդումը դնել նոր բարձրության վրա:

Սեսիայի առաջին նիստում լսվեցին հետևյալ գեկուցումները.

1. Ի. Վ. Ստալինի լեզվաբանական աշխատությունները և մեր խնդիրները: Զեկուցող՝ Հայկական ՍՍՌ ԳԱ իսկական անդամ Գ. Ա. Ղափանցյան: 2. Ի. Վ. Ստալինի լեզվաբանական աշխատությունները որպես մեծագույն ավանդ մարքսիզմ-լենինիզմի գանձաբանում: Զեկուցող փիլիսոփայական գիտությունների թեկնածու Մ. Ի. Գետրոսյան:

Երկրորդ նիստում լսվեցին հետևյալ գեկուցումները.— 1. Լեզուն իբրև հասարակական երևույթ և նրա սպեցիֆիկումը: Զեկուցող՝ ֆիլոլոգիական գիտությունների ղոկաոր Գ. Գ. Սևակ:

2. Ի. Վ. Ստալինի ուսմունքը և զրականագիտության խնդիրները: Զեկուցող՝ ֆիլոլոգիական գիտությունների թեկնածու է. Ս. Թոփչյան: 3. Ի. Վ. Ստալինի ուսմունքը լեզվի և բարբառի մասին: Զեկուցող՝ ֆիլոլոգիական գիտությունների թեկնածու Ս. Ղ. Ղազարյան:

Երրորդ նիստում լսվեցին հետևյալ գեկուցումները.— 1. Ի. Վ. Ստալինի ուսմունքը լեզվի բերականական կառուցվածքի մասին: Զեկուցող՝ ֆիլոլոգիական գիտությունների թեկնածու Ա. Վ. Գրիգորյան: 2. Հայոց լեզվի ուսուցման հիմունքները միջնակարգ ղրուցում: Զեկուցող՝ ֆիլոլոգիական գիտությունների թեկնածու Ա. Ա. Աբրահամյան:

Սեսիայի չորրորդ նիստում լսվեցին հետևյալ գեկուցումները.— 1. Ռուսաց լեզվի դասավանդման մեթոդիկայի հարցերը հայկական դպրոցում: Զեկուցող՝ ֆիլոլոգիական գիտությունների թեկնածու Ռ. Լ. Մելքումյան և 2. Օտար լեզուների դասավանդման հիմնական խնդիրները հայկական դպրոցում: Զեկուցող՝ ֆիլոլոգիական գիտությունների թեկնածու Գ. Բ. Զահեկցյան:

Զեկուցումների շուրջը ծավալվեց մտքերի աշխուժ փոխանակություն:

Սեսիայի աշխատանքներն ամփոփեց Հայկական ՍՍՌ Լուսավորության մինիստր ընկ. Ս. Միքայելյանը: Սեսիայի մասնակիցները մեծ ոգևորությամբ ողջունին հեռագիր ուղարկեցին Ժողովուրդների մեծ առաջնորդ ընկեր ՍՏԱԼԻՆԻՆ: Հայկական ՍՍՌ Գիտությունների Ակադեմիայի Լեզվի ինստիտուտը և Հայկական ՍՍՌ Լուսավորության Մինիստրության՝ Գպրոցների ղիտահետադոտական ինստիտուտն առանձին բրոշյուրներով հրատարակեցին սեսիայում կարգացված գեկուցումներից մի քանիսը:

Վ. ՍԱՐԳՍՅԱՆ